

## Script of Evening Gojri News Bulletin

13 July 2025 at 1700 Hrs

ایوبینگ گو جری نیوز بلیٹن مورخہ 13 جولائی 2025

یوہ آکا شوانی جموں ہے باغ علی طاہر تے عبد المجیدتیں خبر سُنو۔ پہلاں خاص خاص خبر۔

\*\*\*\*\*

\*1- صدر جمہوریہ درویدی مُرمو نے 4 معروف شخصیات نانہہ راجیہ سبھا واسطے نامزد کیو ہے۔

\*2- لیفٹنٹ گورنر منوج سنہا نے کہیو ہے جے سرکار دہشت گردی تیں متاثرہ گنباں غا معاملن ور دوبارہ غور کرے گی، تے اُن غی جائیداداں نانہہ واپس کیو جائے گو۔

\*3- چیف سیکریٹری اٹل ڈلو نے این ایچ ایل ایم ایل غی طرفوں تعمیر کیا جان آلا پروجیکٹاں غو جائزو لیو ہے۔

\*4- کلا سیکی موسیقی غا معروف گورو تے آکاشوانی جموں غا سابق دائریکٹر ڈاکٹر وجے سمیال نانہہ کا ستب رتنا ایوارڈ سنگ نوازیو گیو ہے۔

\*5- پلک تیں آئیندہ 16 جولائی توڑی وقفہ وقفہ تیں ہلکی تیں درمیانہ درجہ غی بارشاں غی پیشنگوئی کی گئی ہے۔

\*\*\*\*\*

خبراں غی تفصیل نال پہلاں باغ علی طاہر۔

### Prez Nomination

.....  
صدر جمہوریہ درویدی مُرمو نے چار معروف شخصیات نانہہ راجیہ سبھا واسطے نامزد

کیو ہے۔ ان شخصیات مانہہ معروف قانون دان اُجول دیورائو نکم، سماجی کارکن سی سدانندن، سابق خارجہ سیکریٹری ہرش وردھن شرنگلا اور تاریخ دان تے ماہر تعلیم ڈاکٹر ہرش میناکشی جین شامل ہیں۔ اک نو ٹیفیکیشن مانہہ وزارت داخلہ نے اس بارے جانکاری دتی ہے۔ صدر جمہوریہ نے 12 شخصیات نانہہ فن، ادب، سائنس تے سماجی خدمات غا اعتراف مانہہ پارلیمنٹ غا ایوان بالا واسطے نامزد کیو ہے۔

\*\*\*\*\*

## LG Baramulla

لیفٹنٹ گورنر منوج سنہا نے کہیو ہے جے دہشت گردی تےں متاثرہ ہُن توڑی درج نہ کیا گیا خانداناں غا معاملن بارے انتظامیہ تحقیقات کرے گی تے گڑک کی گئی جائیداداں نانہہ اُن غا مُستحق مالکان نانہہ واپس کرن نانہہ یقینی بنايو جائے گو۔ بارہمولہ مانہہ اخباری نمائنداں سنگ گل کرتاں واں ایل جی موصوف غو کہنو تھو جے سرکار غا سینئر عہدیداراں سنگ مشاورت غے بعد ایسا متاثرہ خانداناں نانہہ سرکاری نو کریں مہیا کران غو فیصلو کیو گیو ہے۔ وے بارہمولہ مانہہ دہشت گردی تیں متاثرہ گُنباں نانہہ سرکاری نو کریاں غا خط تقسیم کر رہیا تھا۔ لیفٹنٹ گورنر غو کہنو تھو جے دہشت گردی تیں متاثرہ ایسا گُنباں نانہہ جن نانہہ آجوں توڑی کوئی مالی امداد مہیا نہیں کرائی گئی ہے۔ اُن نانہہ مالی امداد مہیا کرائی جائے گی۔ اُن غو کہنو تھو جے وے ایسا گُنباں نانہہ خود روزگار غا موقع وی میسر کراویں گا۔ لیفٹنٹ گورنر نے کہیو۔۔۔ بانٹ۔۔۔ ایل جی نے انتت ناگ مانہہ دہشت گردی تیں متاثرہ گُنباں غا افراد سنگ ملاقات غے دوران اپنا جذباتی تجربات وی سانجہ کیا۔

\*\*\*\*\*

## CS NHLML

چیف سیکریٹری آئل ڈلو نے آج فوجی اہمیت غا نمایاں پروجیکٹاں غو تفصیلی جائزولیا۔ یہ پروجیکٹ این ایچ ایل ایم ایل غے ذریعے مکمل کیا جائیں گا۔ میٹنگ غے دوران چیف سیکریٹری نے پی ڈبلیو ڈی محکمہ ور زور پایو، جے ایس پی وی تیار کیا جان بارے ضروری اقدام کیا جائیں۔ تانجے شنکر اچاریہ مندر سمیت بکھ بکھ سیلانی مقامات ور روپ وے پروجیکٹ قائم کیا جا سکیں۔ ان پروجیکٹاں بارے جانکاری دیتاں واں قومی شاہراہ لاجسٹیکس منیجمنٹ لمیٹڈ نے جانکاری دیتاں واں دسیو ہے جے کٹڑہ مانہہ ایسو اک اہم پروجیکٹ ماتا ویشنو دیوی گفہ غا درشناں واسطے آن آلا کوئے 2 کروڑ 50 لکھ یا تریاں نانہہ خدمات مہیا کراویگو۔ یوہ اک بڑو ٹرانسپورٹ زون ویگو۔ جس مانہہ اک بس آڈو تے 88 بیئز وینگا۔ استوں علاوہ ات 5 سو گڈیاں غی پارکینگ غی جگہ، 3 بیلی پیڈ تے اک روپ ویز وی قائم کیو جائے گو۔

-----

## Cocoon Auction

خطہ مانہہ ریشم غی پیداوار نانہہ فروغ دیتاں واں ڈائریکٹر سیریکلچر جموں کشمیر اعجاز احمد بھٹ نے حال ہی مانہہ ادھم پور مانہہ ریشم غا کیڑاں غی نیلامی آلا بازار غو دورو کیو۔ 1 ہزار 6 سو تیں متا ریشم غا کیڑا پالن آلاں نے 1 جولائی تیں ہُن توڑی 60 ہزار کلو گرام تیں متا ریشم غا کیڑا فروخت کیا ہیں۔ تے اس سلسلہ مانہہ لین دین ڈھائی کروڑ روپیا تیں تجاوز کر گیو ہے تے اس کی قیمت فی کلو 1 ہزار 6 سو روپیا تک پُچ گئی ہے۔ بازار مانہہ متی شراکت نانہہ دیکھتاں واں نیلامی مانہہ اک ہفتہ غی تو سیر کر دتی گئی ہے۔ متعلقہ محکمہ غا ڈائریکٹر نے اس عمل مانہہ شفافیت مضبوط بازاری رابطہ تے کساناں واسطے اُن غی دہلیز ور تعاون مہیا کران ور زور دتو گیو۔ جس غو مقصد مقامی منافع مانہہ اضافو کرنو تے جموں کشمیر مانہہ ریشم غی پیداوار طریقاں نانہہ فروغ دینو ہے۔ آکاشوانی نال گل کرتاں واں ڈائریکٹر سیریکلچر نے کہیو۔۔۔ بانٹ۔۔۔

.....

\*\*\*\*\*

## GOC White Knight

فوج غی شمالی کمانڈر گامانڈر لیفٹنٹ جنرل پروتیک شرمانے جی اوسی وائٹ نائٹ کو رتے جی اوسی ایس آف سپیڈس غے ہمراہ بہمبر گلی برگیڈ غو دورو لاغے پیشہ وارانہ تے اریاں غو جائزو لیو۔ اس دورہ غے دوران فوج غی موثر کارکردگی تے للکار غو جواب دین غا طریقے کار ر غو جائزو لیو گیو۔ تانجے فوج غی پیشہ وارانہ صلاحیتاں غا غلبہ نانہ یقینی بنایو جاسکے۔ اپنا اس دورہ غے دوران فوجی کمانڈر نے برگیڈ غا تمام سطح غا عہدیداراں سنگ ملاقات کر غے اعلیٰ سطح غی پیشہ وارانہ تیاریاں نانہ قائم رکھن نالے نویں للکاراں غے پیش نظر ہمت تے حوصلہ نانہ لگاتار قائم رکھن واسطے کہو۔

\*\*\*\*\*

مزید خیراں نال عبدالمجید۔ ور اس تیں پہلاں یوہ پیغام۔ (یہ خبر تم آکاشوانی جموں تیں سن رہیا ہیں، تے یہ خبر مہاری ویب سائٹ نیوز آن انیر ڈاٹ گو ڈاٹ ان ور وی دستیاب ہیں، (اس تیں یہ خبر مہاری موبائل ایپ تے ڈی ٹی ایچ ور وی دستیاب ہیں

## Kaustub Ratna Award

کلاسیکی موسیقی تے گلوکاری غا معروف گرو تے آکاشوانی جموں غا سابق ڈائریکٹر ڈاکٹر وجے سمیال نانہ بنارس ہندو یونیورسٹی غی فیکلٹی آف میوزک اینڈ پرفامینگ آرٹس نے باوقار کو ستوبہ رتن اعزاز نال نوازیو ہے۔ یوہ اعزاز انہاں نانہ یونیورسٹی غا مذکورہ شعبہ غی اولاسی پروتقریب غے دوران دتو گیو ہے۔ آکاشوانی نیوز جموں نال گل کرتاں واں ڈاکٹر سمیال نے موسیقی غا میدان مانہ اپنی لگن تے صلاحیتاں نانہ اجاگر کرتاں واں اس اعزاز ور شکریہ غو اظہار کیو ہے۔ یوہ ایوارڈ موسیقی غی دنیا مانہ ان غی غیر معمولی فنکارانہ کامیابیاں تے شراکت غو اعتراف کرے۔ انہاں نے کہو۔۔۔ بانٹ۔۔

\*\*\*\*\*

## Livestock Jammu

جموں گا مال چوکھر بارے محکمہ نانہ مضبوط بنان غی خاطر اک اہم قدم مانہ محکمہ ذراعت گا پرنسپل سیکریٹری شلیندر کمار نے مال چوکھر پالن بارے ڈائریکٹوریٹ تالاب تلو مانہ اک اعلیٰ سطحی جائزہ میٹنگ غی صدارت کی۔ کپیکس، ایچ اے ڈی پی، سی ایس ایس تے نبارڈ غے تحت اسکیمیاں غی پیش رفت ور تبادلہ خیال کیو گے۔ انہاں نے ہر وقت کسے بیماری تیں بچائو غا ٹیکالان، کسان ساتھی پورٹل غے ذریعے ڈیجیٹل رپورٹنگ تے بنیادی ڈھانچہ غا منصوباں غی تکمیل ور زور دتو ہے۔

اجلاس مانہ ڈیری سیکٹر نانہ مضبوط بنان، کو آپو رٹیو نانہ فروغ دین تے شفافیت غا  
بابدہ غی ضرورت ور لو پائی گئی۔ افسراں ور زور پایو گے وے صوبہ جموں  
مانہ مال چوکھر غی بہتر خدمات واسطے جوابدہی نانہ یقینی بناویں۔

\*\*\*\*\*

## JK Sehat App

ضلع رام بن غو منشیات غی روک تھام بارے محکمو جے کے صحت ایپ غا فائداں غا  
بارہ مانہ لوکاں نانہ جانکاری دے رہیو ہے۔ یوہ اک جامع تے اک ہی ایپ تیں صحت با  
رے ڈیجیٹل حل بے جھپڑو جموں کشمیر غا لوکاں بشمول شہریاں، ڈاکٹراں تے طبی پیشہ  
ور افراد غی صحت غی دیکھ بھال غی ضرورت نانہ پورو کرن واسطے تشکیل دتو گیو  
بے جے کے صحت ایپ غو اہم فائداں مانہ ڈاکٹر کولوں صحت غی جانچ واسطے آن لا  
ئین بکینگ، ڈیجیٹل ہیلتھ ریکارڈ تک رسائی تے کھر بیٹھیں ٹیکنالوجی غا استعمال نال اک  
فاصلہ ور صحت غی دیکھ بھال غی فراہمی غی خدمات حاصل کرنو شامل ہے۔ اس ایپ  
غے ذریعے کوئی وی آیوشمان بھارت صحت اسکیم غی اہلیت غی جانچ کر سکے۔ رامین  
تیں اسسٹنٹ کنٹرولر ڈرگس رام بن سنجیو کمار گپتا نے کہیو۔ بائٹ۔۔۔

\*\*\*\*\*

## Kishtwar Criminal

نواں فوجداری قوانین 2023 ور 5 روزہ کریش کورس اج ضلع پولیس لائین کشتواڑ  
مانہ شروع ہوئو۔ ایس ایس پی کشتواڑ نریش سنگھ غی ہدایات ور منعقدہ اس تربیتی  
پروگرام غو مقصد پولیس افسراں تے تفتیشی اہلکاراں نانہ مرکزی حکومت غی طرفوں  
متعارف کرایا گیا نواں نافذ کردہ مجرمانہ قوانین بارے جانکاری دینو تھو۔ پروگرام غو  
باقاعدہ افتتاح ایڈیشنل ایس پی کشتواڑ پردیپ سنگھ گوریا نے کیو۔ جنہاں نے اجتماع سنگ  
خطاب کرتاں واں نواں قوانین غے ذریعے قانونی تے طریقہ کار تبدیلیاں نانہ سمجھن غی  
اہمیت ور زور پایو۔ آکاشوانی غا ضلع نمائندہ نے مزید دسیو۔ بائٹ۔۔۔

-----

## Weather

محکمہ موسمیات نے پلک تیں 16 جو لائی تک کئی جگہاں ور وقفہ وقفہ نال ہلکی تیں  
درمیانہ درجہ غی گرج چمک نال بارش ہون تے صوبہ جموں مانہ اس دوران کئی جگہیں  
پہاری بارش ہون غی پیشنگوئی کی ہے تے 17 تے 18 جولائی نانہ آسمان ور بدل چھایا  
رہن غے نال نال کئی جگہیں گرج چمک نال بارش غو وی امکان دسیو گیو ہے۔ خاص کر  
پہاڑی علاقہ مانہ لاس پسی تے پتھر پین غو خطرہ ہے۔ کساناں نانہ مشورو دتو جا  
رہیو ہے جے متوقع موسمی حالات غے پیش نظر 14 تیں 17 جو لائی تک کسے وی

ذرعى سرگرمى تىن پرېبز كرىن. مزىد جانكارى دے رېيا ھىن محكمه موسمىات غا مركز  
سرىنگر تىن پروىن كمار۔ بائٹ۔

\*\*\*\*\*